

§. III. Etsi (II) de multis concedamus, haud digne Evangelio ambulasse, cum recentissima memoria eorum animis obversaretur de divinae Reformationis beneficio, ipsum tamen Evangelium, vel salutaris fidei doctrina, ut a Lutheru proposita, in culpa nequaquam esse poterit, ascribamus potius pravis hominum mentibus, divinae emendationi nunc in totum, nunc ex parte contumaciter sese opponentibus. *Manifestum est, dicit Augustinus L. XXI. contra Faustum c. 73. Opp. T. VIII. p. m. 748. seq. non derogari ideo sanae doctrinae, quia multi ejus nomine sanari nolunt.* Non, quomodo vivamus, sed quid doceamus, in judicio de vera religione ferendo respiciendum est. Recte docere, est Doctrinae, male autem vivere, hominum doctrina nefarie abutentium.

§. IV. Quod Lutheri judicium concernit, non negamus, ut adversus ipsos Fanaticos etiam notandum est, *eum acriter in mores Christianorum depravatos esse invectum.* Sic imprimis *T. V. Altenb. fol. 736.* fatetur, simulque causas hujus scandali explanat: *Nachdem man jetzt das Evangelium hat, so verachtet es die gottlose Welt, denn sie haben das Bad und den Schweiß nicht ausgestanden, darinne ich und andere im Pabstthum gestecket sind, darum weil sie die Noth der Gewissen nicht gefühlet, so verachten sie es, denn sie haben keinen Durst, darum richten sie jetzt Rotten und Schwärmerey an.* Sed haec omnia, quae hic, & in aliis locis quamplurimis profert, minime evincunt, Lutherum hoc doctrinae suae, ejusque professioni attribuisse, nec video, quid lucentur adversarii verbis Lutheri ex Postillis Ecclesiasticis saepius hanc in rem allegatis: *Im Pabstthum hätte ein Teuffel regieret, aber ietzofinde er zu seiner Zeit schon sieben.* Nihil absurdius excogitari potest, quam aliorum hominum vitia alicujus innocentiae doctrinae imputare. Agnoscebat hoc ipsum ERASMVS *Purgat. ad expostulat. Hutteni T. IX. p. 1359.* Sunt quidam indocti, nullius judicii, vitae impurae, obtrectatores,